

1,257,594 sudah daftar


Putrajaya: Seramai 1,257,594 individu sudah mendaftar dalam Program Imunisasi COVID-19 Kebangsaan di aplikasi MySejahtera, sehingga jam 3 petang semalam.

Menurut Jawatankuasa Khas Jaminan Akses Bekalan Vaksin COVID-19 (JKAV), selain aplikasi MySejahtera, satu lagi kaedah pendaftaran secara dalam talian ialah melalui laman web khas www.vaksinovid.gov.my.

“Orang ramai juga boleh melakukan pendaftaran dengan menghubungi hotline atau hadir di fasiliti klinik kesihatan awam serta swasta atau menerusi program bantuan bagi penduduk di kawasan luar bandar dan pedalaman,” kata JKAV melalui Facebooknya, semalam.

Pendaftaran untuk menerima suntikan vaksin COVID-19 bermula Selasa lalu menerusi aplikasi MySejahtera.

Sebelum ini, media melaporkan pengguna MySejahtera kini boleh membuat pendaftaran untuk menyertai program itu sejak 23 Februari lalu yang dilaksanakan menerusi tiga fasa, bermula de-



Pendaftaran boleh dilakukan menerusi aplikasi MySejahtera.

(Foto Iqmal Haqim Rosman/BH)

ngan kumpulan barisan hadapan, disusuli kumpulan berisiko tinggi dan rakyat berusia 18 tahun ke atas.

Ia bagi memastikan antara 70 hingga 80 peratus rakyat di negara ini menerima vaksin menjelang Februari 2022, sekali gus membentuk imuniti kelompok bagi mengekang penularan COVID-19.